


ESKUBALOIA

RUGBYA

LABURREAN



Julius Jonasson. ANDER GILLENEA

ASOBAL Ligak lehiaketa sistema berria izango du

J.G.O. / DONOSTIA

Ohorezko Mailak berrikuntzak izango ditu datorren denboraldian. ASOBALek Batzar Orokor Berezia egin zuen ostiralean Madrilén. Bertan eskubaloi liga nagusia etorkizunean baldintzatuko duten akordioak hartu ziren. Liga sistema aldatuko da eta lehen aldiz txapelduna ezagutzeko play-offak jokatu dira. Horrek lehiaketari bizitasuna eta azken unera arteko emozioa gaineratuko dio.

Lehen fasean bi multzotan banatuko dira Ohorezko Mailako 16 klubak. Ohizko liga izango da, denek denen aurka jokatu dute, eta multzo bakoitzeko bost lehenak txapelketa lortzeko multzoan sartuko dira. Aurreko partiduetan lortutako puntuak gordeko dira. Horregatik lehen fasean multzo berdinean aritu diren taldeen arteko norgehiagokak ez dira errepikatuko. Fase hau amaitu ondoren play-offak hasiko dira.

Hasteko, zazpigarren eta hamargarren sailkatuak eta zortzigarren eta bederatzigarrenak kanporaketa bana jokatu dute, hiru partidura gehienez. Ondoren zortzi talde hoberenek titulua lortzeko kanporaketak hasiko dituzte. Play-off edo kanporaketa hauek gehienez ere hiru partidura izango dira. Sistema hau jarraituko da bi talde geratu arte eta bi horien arteko partiduetan erabakiko da txapelduna.

HIRUGARREN ATZERRITARRA ONARTU ASOBALek hartutako beste erabakia hirugarren atzerritarrena izan da. Egun talde bakoitzak bi jokalaritaz atzerritar ditu eta hurrengo denboraldian hirugarrena izango dutela ia ziurra da. Erabaki hau Espainiako Federazioko batzarrek baietsi behar du ekainean egin beharreko bileran. Hau aurrera ateratzeko hitzarmen bat dago ASOBAL eta Jesus Lopez Ricondo, Federazioko lehendakariaren artean.

Kopa Txapelketako azken fasea jokatu da Getxon asteburuan

Gizonezkoen zein emakumezkoen titulua izango da jokoan

Datorren maiatzaren lehen hasita eta maiatzaren 3ra bitartean Kopa Txapelketako azken fasea jokatu da Faduran. Getxo Rugby Taldea, Ciencias Sevilla, Alcobendas eta Mercabarna BUC taldeak dira fase honetarako sailkatu diren lau taldeak. Emakumezkoen Espainiako IV Kopa ere bertan jokatu da.

PELLO AIESTARAN / BILBO

Atzo goizean aurkeztu zuten ostiralean hasiko den Kopa Txapelketako azken fasea. Getxo ez zen Kopa antolatu nahi zuen bakararra, baina azkenean txapelketa Bizkaia aldean jokatzeari lortu da. Ez bakarrik gizonezkoena, emakumezkoen Kopa ere Faduran jokatu bait da. Andres Escondillas, Espainiako Rugby Federazioko (FER) kideak adierazi zuenez, «emakumezkoen txapelketa Valencian egin behar zen, baina azkenean biak Getxon jokatzeari egokia izango zela pentsatu genuen».

Getxo Rugby Taldeak antolatuta, fase honek bost milioi pezetan inguruko aurrekontua izango du, azken orduko gestioen ondorioz diru kopuru hori asko murriztu badaiteke ere. Agustin Martinez, Getxo R.T. taldeko lehendakariaren hitzetan, azkenean aurrekontua hiru milioi pezetan ingurukoa izan daiteke.



Xerox Getxo taldeak tituluaren defentsan jokatu du Faduran. AITOR

«Taldeak egoteko toki bat aurkitu dugu, hotelak erabili ordez. Horrek % 50 aurrezteko suposatuko du. Gainera, egazkinez Ciencias Sevilla taldea bakarrik etorriko da, eta horrek ere aurrekontua jaiste suposatzen du».

GETXOK AUKERA GUZTIAK

Kopa Txapelketako azken fase honetan, Ohorezko Mailako bi talde eta Lehen Mailako beste bi talde izango dira. Teorian, Xerox Getxo eta Ciencias Sevilla dira bi talderik onenak —batak azken bi Kopak eskuratu dituzte eta besteak aurtengo Liga txapelketa irabazi du—, baina biek elkarren kontra jokatu behar

izango dute finalerdietan. Horrela agindu zuen zozketak, zenbait polemika sortu dituen zozketak bestalde. Agustin Martinezen iritziz, Getxok aukera guztiak ditu Kopan. «Aukera denak ditu. Zozketa 'garbia' egin da, zerrendabururik gabe eta Cienciasen kontra jokatu beharko dugu».

Zelaiaren egoerak ere kezkak sortu ditu. «Egia esan, zelaia egoera eskasean dago. Batzuetan 300 pertsona inguru biltzen gara entrenatzeko eta horrela zelaia izugarri gaizki geratzen da».

Finalaren ordua aldatu egin behar izan da —12.30etatik 12.00etara—, ETBk zuzenean eskainiko bait du.

SASKIBALOIA

Indiana kanporatu du Boston Celticsek

INDIANAPOLIS

Boston Celtics taldeak eskuratu du NBA Konferentziako finalerdietarako aurreneko txartela, Indiana Pacers kanporaketako hirugarren partiduan 98-102 irabaztean. Boston Gardenen jokaturiko aurreneko bi partiduetan Celticsek irabazi zituen, eta Indianan aukera ona zuen play-offa erabakitzeko. Ez zuen huts egin Celticsek, eta bost partidutik onenera erabakitzen diren play-offetan hiru nahikoa izan ditu Indiana Pacers kanpoan uzteko.

Ekialdeko Konferentzian dagoeneko finalerdietara sailkatuta, aurreneko koska erraz gainditu du Bostonek. Iaz ere finalerdietarako txartela Indiana Pacers kanporatuta lortu zuten. Baina orduan estu eta larri ibili ziren,



Bostoneko Ed Pickney.

Pacers taldeak bostgarren partidua behartu bait zuen.

Aurten aldiz play-offetako aurreneko kanporaketa oso erosoa gertatu zaio Bostoni. Estreinu aurreneko bi partiduetan irabaztean gain etxean, Indianapolisen garaipen erabakiorra lortu zuten hirugarrenean. Erraztasunik ez zion eman Pacersek, eta emaitza estua izan arren —lau puntuko aldea besterik ez— nahikoa izan da Bostonentzat.

Finalerdietan Cleveland Cavaliers eta New Jersey Nets taldeen arteko kanporaketa irabazten duenaren kontra jokatu du Boston Celticsek. Eta aurreneko bi partiduetan gertatu denari erreparatu gero, Cavs izango da Bostoneko etsaia, play-offetan 2-0 aurreratzeaz gain askozaz joko sendoagoa erakutsi bait du.

AIZKOLARI desafio handia iganderako Donezteben

Juan Jose Barberena eta Felix Etxeberria aizkolari nafarrek desafioa jokatu dute datorren igandean Donezteben. Berueteiko Barberena eta Etxeberria sunbildarrak bakoitzak milioi erdi pezetan izango du jokoan, eta lanaren neurria kanaerdiko 20 pago enbor moztea izanen da, guztiak Barberenak jarriak •

PATXI SALBIDE munduko superbike txapelketako prestatzailearekin

Patxi Salbide, txapelketako motoziklismo talde pribatu-gipuzkoar bakarreko arduraduna, Holandara abiatuko da gaur, Munduko Superbike Txapelketako prestatzailearekin harremanetan jartzeko. Pozarren ageri da Patxi Salbide, igandean egin bait zuen debuta bere taldeak. Eta Suzuki RGV 250 Kopako bigarren ihardunaldian, Mikel Oiarzabal pilotuak zazpigarren postua eskuratu zuen Jaraman •

TIROZ kontrarioa hil zuen Mexican futbolista batek

Mexicon, afizionatu mailako futbol partiduan, Rotterdam taldeko Ramon Esquivel tiroz hil zuen Guadalajara taldeko Angel Souzak. Aurretik Esquivelek, epaileak adierazi ez zuen falta egin omen zion Souzari. Honek ondoren izugarritzko sarrera egin zion eta futbol zelaian iskanbila handia eragin. Nahasteaz baliatuz, Souzak pistola atera eta tiroz hil zuen Esquivel •

DANILOVIC fitxatu nahi duela onartu du Barcelonak

Pedrag Danilovic eskolta serbiarra fitxatzeko interesa duela onartu zuten atzo Barcelona saskibaloitza taldeko arduradunek. ACB Ligan titulurako lehiatik kanpora eta datorren urtean Liga Europarra jokatzeko aukerarik gabe, Barcelonak eraldaketa handia iragarri du plantilan. Eta datorren urterako fitxaketatik Danilovic, Beogradeko Partizan taldeko jokalaria dute helburu nagusia •